

ՄԱՆՈՒԿ

ԱԼԷՔՍԱՆԴՐ ԱՐՄԻՒՆԵԱՆԻ

Մանուկ նազելի, մանուկ դեղեցիկ,
Որքան մաքուր ես, որքան անարատ.
Հայեացքդ պայծառ, ժպիտդ քաղցրիկ,
Փթթում ես որպէս հրապուրիչ մի վարդ:

Ազատ առօրեայ դառն հոգսերից,
Հանդիստ ես առնում դու մօրըդ կրծքին.
Ձեն յուզում սիրտդ կրքեր թունալից.
Պարզ ու պայծառ ես նայում դու կեանքին:

Կեղծ զգացմունքներ օտար քո սրտին,
Անկեղծ խնդրում ես և անկեղծ տխրում.
Անկեղծութիւնը քո չքնաղ դէմքին
Շողում է որպէս աստղը երկնքում:

Օ՛հ, մանուկ սիրուն, մանուկ նազելի,
Ամեհ, անբի՛ծ ես, որպէս հըրեշտակ.
Դու կախարդում ես մարդու միտք, հոգի:
Դու լքեալ սրտին և՛ սէր ես, և՛ կեանք:

Անսահման սիրով նայում եմ վերագ,
Եւ ինձ ալրում է մի ջերմ զգացմունք—
Ս'ի, երանի՛ չէ այդպէս անարատ
Մընայիր դու միշտ, սիրասո՛ւն մանուկ: